



Deen aur Hum

Short Term Religious Course-X

Ramadhan-ul-Mubarak, 1447/2026, Lucknow (INDIA)

Date: 26/02/2026

Lecture Number: 11

SUMMARY (Level 2)

Topic: Ma'ad

Aayaat: Sura-e-Mubarakae Qayamat [75], Ayat: 1-15

Note: The purpose of uploading these summaries is simply to help students. Given the possibility of error, please note that for the exam, the lecture given in class will be the primary reference, not the summary.

1. Ma'ad ke ma'ana

Ma'ad Arbi lafz hai jiska ma'ana hai palatne ki jagah. Arbi Zaban me Aaud (عود) se nikla hai yaani wapas lautna; ye lafz jagah ke liye aur lautne ke liye, dono ke liye istemal hota hai. Is tarah Ma'ad ka matlab hai "Rooh ka dobara badan me wapas aana."

Istelah me ma'ad ka matlab ye hai ke tamam insan duniya ki zindagi ke baad ek dusre aalam me zinda honge jaha unke Aamaal ke mutabiq jaza ya saza milegi.

Usoole deen me Ma'ad ko rakhne ki wajah ye hai ki Ma'ad deen ka sutoon hai.

2. Ma'ad kyu zaruri hai?

- Adalat ka taqaza hai.
- Agar Ma'ad na ho to insano ko unke kaamo ka haqiqi badla nhi diya ja sakta.
- Khuda Aadil hai aur insano ko unke Aamaal ka haqiqi badla deta hai.
- Zaman o makan ki mehdoodiyat.
- Umr ki mehdoodiyat.
- Ikhtiyar ki hifazat.

3. Ma'ad par Aqeedah rakhne ke faede kya hai?

- Zindagi ba ma'ana (bamaqsad) hoti hai. Agar insan se kaha jae sirf is hi duniya me zinda hai aur maut ke baad fanah ho jaega toh insan sochega ke phir main itni mehnat kyu karu, acche or bure insan me kya farq hai. Surah Momenoon Ayat 115-116
- Tarbiyat ka sabab hai. Ahkaam jo ambiya lekar aae agar unki taleemat me ham saza or jaza na dekhe toh unka aana bekar hai.

4. Ma'ad ke inkar karne ke asbab

- Jo log duniya ki rangeeni or aesh o ishrat ko pasand karte hai wo sabse pahle Ma'ad ka inkar karte hain. Aese logon ko Khuda ne Qur'an me Muraqeen kaha hai.
- Khwahishaat ki pairwi karne wale.
- Ambiya ne jinke bejaa mutalibe ka inkar kiya wo log ma'ad ka inkar karte hain.